



galiza@cig-ensino.gal

981 576800

Santiago de Compostela, 17 de marzo de 2025.

SRA. CONSELLEIRA DE POLÍTICA SOCIAL

A Consellaría da que vostede é responsábel asumiu e lóase da gratuidade dos diferentes tipos de centros de atención e educación infantil na etapa 0-3, prestación que debe ter garantida a súa continuidade como servizo social público, esencial e coa máxima calidade.

Nestes momentos o persoal traballador, altamente feminizado e precarizado, está a denunciar unha involución drástica das súas condicións salariais, laborais e sociais, así como o non poder prestar este servizo con garantías de calidade, derivada do precario dos contratos-convenios ou aportacións económicas da Consellería de Política Social coas empresas que xestionan de forma indirecta estes servizos, que deberan ser “públicos”; da falta de recursos nas Leis de Orzamentos da Xunta de Galiza (que ten todas as competencias); dos recortes nas reformas laborais; dos acordos regresivos e de contención salarial do “ Pacto Social” e da perda de dereitos continuada en salarios; así como da falta de avances laborais e sociais nos últimos convenios de Ámbito Estatal de Centros de asistencia e educación infantil asinados en Madrid.

Estes feitos e involucións afectan negativamente ás condicións salariais e laborais do seu persoal, algúns deles con conxelacións salariais e de dereitos dende 2021; á prestación dun servizo de calidade aos seus usuarios e usuarias, con rateos abusivas doutras épocas e con escasos recursos humanos e materiais; e á supervivencia ou continuidade das entidades que os xestionan, que non poden facer fronte a estas necesidades e reivindicacións do sector, insisto, sector feminizado e en precario.

A CIG-EnsinO, que é o sindicato con maior representatividade neste sector na Galiza, preocúpanlle estas situacións precarias e de inestabilidade, que se poden incrementar nun futuro, traducíndose en conflitos sociais, que ningunha das partes queremos e que por responsabilidade debemos atallar.

Como xustificación e realidade destes feitos **facémolle entrega desta campaña reivindicativa de sinaturas, que adxuntamos, avalada por máis dun 50% do persoal traballador afectado (1025 asinantes dun colectivo de 2016 persoas traballadoras, nun total duns 259 centros de traballo no país)** coa finalidade de avanzar cara uns servizos públicos galegos de calidade na atención á infancia, cunhas condicións salariais e laborais dignas para todo o persoal traballador, recollidas nun **I Convenio Galego de Centros de Atención a infancia etapa 0-3.**

Non pode ser que haxa escolas infantís, dependentes da administración, unhas de 1ª outras de 2ª e estas de 3ª en condicións laborais, sociais e salariais que están a anos luz das da Axencia Galega ou Galiñas Azuis, incumpríndose a máxima de que a “igual traballo, igual salario”, polo que debemos camiñar cara esa equiparación, cuns orzamentos que o permitan mentres non se acade a finalidade de ser de total xestión pública.


Co obxecto de tratar a problemática actual do sector e as posíbeis alternativas e propostas de solución, así como para mellorar a calidade do servizo e as condicións das traballadoras e traballadores do sector, **solicitámoslle unha entrevista coa maior brevidade posíbel.**

A esta entrevista asistirían dúas persoas responsábeis do sindicato e algúns delegados ou delegadas de persoal, en representación dos traballadores/as nos distintos tipos de centros que hai no sector.

Reciba un cordial saúdo.

Compostela, 17 de marzo de 2025.

Firmado por GARCIA
VAZQUEZ HENRIQUE -
33282672Q el día
17/03/2025 con un
certificado emitido
por AC FNMT Usuarios



Henrique García Vázquez.

Responsable ensino privado da CIG-Ensino